



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thesavrvs Sacrorvm Ritvvm, Sev Commentaria In Rvbricas Missalis, Et Breviarii Romani.

In quibus origo cuiusque Ritus, causae historicae, vel mysticae, ex
maiorum ingenio, Theoria, Praxis, obligatio, & exquisitus vsus, additis
opportune Decretis omnibus S. Rituum Congreg. quàm breuissimè
explicantur.

Gavanti, Bartolommeo

Venetiis, 1647

Ad Candidvm Lectorem.

urn:nbn:de:hbz:466:1-9521

AD CANDIDVM LECTOREM.



REVIARIJ Romani Leges, & Rubricas, neminem adhuc legi, qui plenè explicauerit: nonnullas attigit in suo Cæremoniali Hispano Petrus Ruiz; sed earum aliquot in prima recognitione Breuiarij merito mutatis, redditus est fere in multis eiusdem laudabilis labor; antiquiores alij, qui de Horis Canonicis scripserunt, quàm paucissimas sunt persecuti; earum formam cum causis mysticis indicarunt; præterea nihil: plurimæ post Concilium Tridentinum additæ fuerunt Rubricæ, quæ Commentarijs egent, & Notis. Post horum Commentariorum editionem primam, scripsit in easdem Breuiarij Rubricas, Thomas Alvarez Lusitanus non contemnendum opusculum; in quo tamen abundat ille sapius in sensu suo, præter legitimum Rubricarum sensum, quem in Urbana Breuiarij recognitione diligentius examinauerit Delegati, & suis locis significabo. Itaque collegi in hoc altero volumine Rubricas omnes; quæ ad Horas Canonicas attinent; demonstratæ, ut in priori volumine, cuiusque ritus Origine, Causa, Obligatione, Praxi, & Vsu proprio, de maiorum auctoritate, Decretisque Sacræ Rituum Congregationis ritè, & opportunè additis: diuersa tamen methodo à superiori volumine; non textui Rubricarum mordicus inhaerens, sed ea omnia, quæ ad Breuiarium attinere, seu in Breuiario contineri videbantur, in decem Sectiones, & centum capita diuidens: quibus non modo vniuersæ Ecclesiæ, cui labor meus deseruire potissimum debet; verum etiam particularibus Ecclesijs, in ijs, quæ earum sunt propria, fiat abunde satis. moneo Lectorem, quòd pro dignoscenda horum quoque rituum antiquitate recurrendum erit ad primos prioris voluminis Indices: proprios autem dabunt Indices proxima, quæ sequuntur, paginae. Vale, & Auctorem salutis ora pro salute auctoris.

